

中國經濟學叢書

唐慶增

唐慶增經濟論文集

商務印書館發行

中華民國三年九月四日

中國經濟學叢書
唐慶增經濟論文集

此書有著作權翻印必究

中華民國十九年四月初版

每冊定價大洋貳元貳角

外埠酌加運費匯費

著者 唐慶增

發行兼
印刷者 上海商務印書館

發行所 上海及各埠商務印書館

Chinese Economic Association Series

ESSAYS ON ECONOMICS BY MR. TANG

CHING-TSEN

1st ed., Apr., 1930

Price : \$2.20, postage extra

THE COMMERCIAL PRESS, LTD., SHANGHAI

ALL RIGHTS RESERVED

馬序

經濟智識。對於現今我國國民。極為重要。經濟制度之利害。足以影響及於人民之生活情形。更能促進人羣之幸福。在西洋各國。此科發達。遠在百餘年前。近時進步尤速。令人生羨。我國昔日學者。多以言利為恥。所提倡者。只係靜態的社會。而非動態的社會。後世受其影響。致釀成今日貧困之現象。人民生產事業。均趨向於消極方面。並不向積極方面進行。故歷史雖長。此學毫無進步可言。近年來國民稍稍知此學之重要。研究者亦漸衆。惜良好之參考書。仍屬不多。友人唐君慶增。曾在美國哈佛大學研究經濟學多年。歸國後在各大學執教鞭甚久。近彙集其所撰關於經濟學之文字。編論文集一種。不日付梓。內中文字。皆甚重要。如研究經濟學之方法。經濟學書籍表。近三十年之歐美經濟思想等篇。俱能詳他人之所略。實為研究經濟學之指南。亦提倡經濟學聲中之一宗大事也。故樂而為之序。

中華民國十七年三月二日

馬寅初序於杭州

凡例

(一) 本書係彙集著者數年來在國中各雜誌報章上所發表之文字。細加刪訂。編纂而成。其與經濟學無關之文字。及一切演講譯稿等概不列入。

(二) 書中文字係依其性質而排列。首十篇係通論。次八篇專論西洋經濟思想之歷史。關於財政銀行勞働問題等。都凡七篇。餘文均屬雜著。

(三) 本書編訂告竣後。以篇幅關係。有近作數篇。未能列入。他日當編入第二集中。

(四) 書中各篇。均曾在外間發表過。發表後屢承讀者及友朋等。陸續指正。附記於此。以表謝忱。

(五) 本書承各大書坊報紙及出版社。允許著者將一切舊作。彙集刊佈。盛情至可感激。書此誌謝。又書中謬誤之處。在所不免。尚希海內宏達。有以進而教之。著者識

唐慶增經濟論文集

目次

(一) 今日國中經濟學家之責任·····	一
(二) 今日我國商人應有之覺悟·····	九
(三) 爲國中研究商學者進一言·····	一五
(四) 商人與經濟理論·····	二五
(五) 中西經濟思想家心目中之商人·····	二九
(六) 改造我國大學中經濟課程芻議·····	三五
(七) 經濟學原理教法管窺·····	四一
(八) 中學生研究經濟學之方法·····	五一
(九) 約翰生來華感言·····	六六
(十) 釋經濟學中之相對名詞·····	六九
(十一) 柏拉圖之經濟思想·····	七八
(十二) 亞丹斯密斯原富與馬爾塞斯人口論版本考證·····	八四

(十三) 馬爾塞斯以前之人口學說·····	九〇
(十四) 美國經濟思想溯源·····	一一六
(十五) 經濟學中之歷史學派·····	一二八
(十六) 經濟學中之算術學派·····	一三六
(十七) 近三十年來之歐美經濟思想·····	一四九
(十八) 馬休爾對於經濟思想之貢獻·····	一六一
(十九) 論斯密斯四大稅綱·····	一六九
(二十) 租稅制度及格式之研究·····	一七三
(二十一) 近代各國政府支出之解剖·····	一八二
(二十二) 英國之財政制度·····	二〇一
(二十三) 銀行信用之根據·····	二〇六
(二十四) 資本之種類·····	二一二
(二十五) 罷工論·····	二一四
(二十六) 美國各大學經濟科之設施·····	二一五
(二十七) 英美經濟圖書館發達之概況·····	二二六

(二十八) 購買經濟書籍之一得·····	二三五
(二十九) 經濟學用書概要·····	二三九
(三十) 最近出版之財政學書籍·····	二六八

唐慶增經濟論文集

今日國中經濟學家之責任

上海總商會月報第七卷第六號

自海禁大開。歐風東漸。我國社會人士。漸知閉戶自守之失計。紛紛研習高等學識。以圖自存。而經濟科爲立國之本。尤爲社會人士所注重。故近年來國中專攻此學者。實繁有徒。舉凡經濟理論銀行理財會計運輸以及勞動問題統計學等等。無一不有專家攻習。論學校則上列各科目。無校無之。論雜誌報章。則國中之經濟定期刊物。殆不下數十種。或研究原理。或注重實情。要皆以提倡斯學爲歸。論集會則除各學校內學生所組織之學會外。社會上復有若干較大之結合。共作專門學識上之研究焉。平心而論。此學在國中進步尙不爲緩。使能持之以恆。則十年二十年而後。當必有更佳之成績。此可斷言者。

雖然吾人今日固未可遽抱樂觀。苟且偷安。以爲無需再有何等工作也。天下事物之進境無限。且非可一蹴而就者。國中經濟學術界。近來雖有欣欣向榮之意。以况歐美。則嗟乎其後。倘欲更求精進。再從建設方面進行。則端惟國中今日經濟專家之是賴。愚以爲國中經濟家應爲之事至多。苟能互相聯絡。一一舉辦。則根基培植後。他

日不難與歐美學術界爭勝也。

今日國中之經濟學家。其責任既極重大。則先須認定目標。將應爲之工作。逐一進行。其最重要者凡八。試次第述之如下。

(一)編撰經濟課本及參考書。今日吾國各大學中經濟學科所用之課本。幾悉數係西洋教本。內中體裁與國情多不合。蓋此項用書。多係歐美經濟家爲彼邦學子所撰。勉強採用。何以異於削足就履耶。在國中各書坊雖有良本。究屬太少。自不得不乞靈於異國。此爲我國研究學術者之一重大障礙。在通曉西文者讀之。於原理方面覺頗難施用於國中狀況。在未習蟹行文字者。更無完善之書可讀。於是研究學術者苦矣。

愚以爲編輯經濟學課本。其體裁不妨以西文書籍爲根據。而材料方面不可不細加斟酌。務求其合於國人之用。課本以明瞭清順爲主。參考書以詳盡確實爲貴。經濟學家常言人類之慾望時時擴張。夫求經濟智識。乃一重要之慾望。不有適用之課本及參考書。則其慾望將何由滿足。用外國書籍。原不過爲權宜之計。至長久的辦法。則宜用合式之書本以代之也。

考經濟學在美利堅發達亦至遲緩。該學正式成爲科學時。美邦尙未立國。獨立後國中研究此道者亦祇得以英國書籍爲根據。及十九世紀之中葉。彼邦學術界亦漸悟專用舶來品之非計。各經濟專家乃紛紛從事於著述。編纂課本及參考書。當時經濟名家。若凱雷(H. C. Carey)、斯密斯(E. P. Smith)、湯潑孫(R. E. Thompson)以及潑雷(A. L. Perry)、華爾克(A. Walker)諸人。均有著述。專供國內大學及普通人士之用。雖未盡善。究

勝於無。其後進步一日千里。在今日美邦各大學。殆無不用本國人所編之書籍矣。事在人爲。於此益信。

(二)編輯讀本。愚所謂讀本者。乃係一種相輔課本之專門參考書。英文中名爲 Reading。其性質與課本稍異。吾人在校中讀書或於公餘自修。若祇用簡單之課本一種。決不敷用。必須有此種讀本以爲之輔。則得益更多。在英文本中。無論經濟學中何部份。均有良好之讀本。如經濟學原理、財政學、銀行學等等。殆無不有之。此中詳載各家之言論。實際上之觀察調查。實係摘錄他書而成。即以貨幣學言。在尋常課本中。首章自必敘述貨幣之略史。讀本中則必載有較詳之敘述一篇。係從他種貨幣學專書摘錄而成也。關於貨幣及銀行學之讀本。英文本中若穆爾登(H. G. Moulton)、菲列潑斯(C. A. Phillips)諸氏所編之讀本。皆稱上乘。

今試返觀國中今日之學術界。令人有不能不汗流浹背慚慙萬狀者。蓋欲求一國人自編完整無訛之經濟讀本。竟不可得也。經濟學各部份。國內皆有人專習。則編輯此項讀本。正自不難。且我國近年來經濟雜誌出版甚多。關於理論及事實方面。均有不少富有價值之文字。不妨商得著者轉載權。選出整理之。即可成一部有用之讀本。供國人採用矣。

今可舉一例於下。若財政學誠爲我國今日極需要之學識。研究者頗多。在英文本中有美國財政專家勃洛克(C. J. Bullock)所編之財政學選本(Selected Readings in Public Finance)選擇之精。一時無兩。故歐美學術界。推此書爲唯一要本。奈此書對於國人不能處處合用。因書中文字雖多至四五十篇。無一篇涉及我國財政思想或情形也。國中經濟家如編此類讀本。不妨襲其體裁。將其內容略加更易。如述財政學史。則不妨將西

洋與我國昔日之財政思想並列。論租稅時則除敘述歐美稅制外。宜將雜誌報章上關於我國租稅之文字。擇尤加入。俾成完璧。餘可類推。

按此項讀本。原用以補課本之不足。在今日我國缺乏良好之課本時。此項讀本。更有編輯之必要。其先須解決者。即爲材料應如何搜集之問題。餘如文字長短材料多寡等事。亦應加以討論也。

(三)統一經濟名詞。我國經濟界之譯名。至今日而紊亂極矣。西文經濟名詞之翻譯。既無一定標準。而我國商業上各種名詞。欲轉譯成西文。亦復異常棘手。他姑勿論。即西文中 Economics 一名詞。除經濟學三字爲最普通之譯名外。此外愚嘗見有譯爲生計學、財富學。甚有譯爲會計學者。其爲謬誤。自不待言。再如我國商場中各專門名詞。若「拆息」、「九八規元」、「標金」、「洋釐」等。其欲轉譯至西文。豈不大難。此非由富有經驗之經濟專家擔任不可也。

且翻譯此種名詞。苟係失當。其弊不僅在不能達意。或竟致指鹿爲馬。貽誤讀者也。例如西文中 Value 一字。明明當譯爲價值。今人編經濟學書籍。有譯爲價格者。誤矣。價格即物價。英文中謂之 Price。一字之誤。意義相去不知幾許。誠所謂失之毫釐。謬以千里矣。經濟學中敘述 Value 及 Price 之部份。本極費解。今再有此謬誤。吾知讀者將益感困難。如墮五里霧中。莫明其妙矣。

默察國中學術界。於自然科學方面各種譯名。已漸有統一之趨勢。坊間所出關於譯名之專書。亦有多本。獨社會科學方面。譯名紊亂至不可究詰。亟待有識者之整理焉。我國馬寅初盛灼三劉大鈞等所組織之經濟學會。

近已着手進行。共謀所以統一經濟名詞之道。則此層困難。解決或在不遠乎。此等工作。既非一二人所能勝任。自當由公共團體。以商榷討論之也。

(四)編輯字典及百科全書。字典及百科全書。完全供學者參考之用。國中書肆所習見者。爲華英字典及百科全書等。以供社會普通人士之翻閱及檢查。頗形便利。然有關於某項專門學術者。尙不多觀。經濟字典及百科全書在英文本中已數見不鮮。若 Palgrave 所編之 Dictionary of Political Economy 貢獻殊多。早已膾炙人口。彼邦學者皆人手一編。專供參考。至若德人 Conrad 等所編者。尤有價值。實爲學術界一部極重要之書。

此種經濟字典及百科全書。在國中卻未見過。其實不特對於專攻經濟者。不可缺少。即在社會上作他種事業者。亦有不少用處。蓋此類專門書籍。材料每極豐富。苟有疑難。檢查一過。便可了然也。編輯要點。第一自須人數衆多。材料務須完全與準確。人數以在三十左右爲宜。內中至少須有文字百餘則。每則討論一種問題。其排列之次序。可按照標題首字筆劃之多寡以定之。俾閱者可按圖索驥。一覓即得。例如某甲於工資一名詞不甚了了。不得不一查經濟字典。則在三劃部內即可覓得。至於何種問題。應須列入。則當由編者共同商定之。至該項文字之深淺長短等。不妨由著者自行審慎定奪也。

編輯此種字典及百科全書。實屬刻不容緩。蓋今人願研究某種問題。或於一種名詞之意義不甚了了者。若輩未必皆能購書研究。一則不知書名。二則所費不貲。三則因此人不遇偶然調查一經濟事物。或不願因此買新

書一部。苟有此類字典或百科全書可以參考。則各種困難俱可解決矣。

(五)整理及編訂古今代名著。今日我國之讀書者。惟新是尚。對於古籍皆鄙夷不屑一顧。殊不知無論何種國家。何種學術。有治今學者。即必有治古學者。否則無以窮源。凡學皆如此。豈獨於經濟學而遂不然。愚之所謂整理及編訂。並非謂斷章截句。將古人肆意抨擊。或將舊籍翻版一過。所可了事者。必也慎重選擇。加意編訂。爲著者作傳略。爲該書作考證。倘係西文。當將原文譯出。介紹於國人。俾經濟名著。不致埋沒。此其貢獻於經濟思想者。豈不偉哉。

我國古代未嘗無良好之經濟書籍。特以世人注意者尠。故其名不彰。苟無通家以整理或編訂之。則大好書本。將與草木共腐。可惜孰甚。如經世文編彙集清代學者所撰之各種經濟文字。於當時經濟問題多所批評。吾人今日批讀此書。不特可知清代經濟思想之一斑。且可洞悉當時之經濟情形。又如資治通鑑述我國昔日財政貨幣制度至爲詳盡。爲研究本國經濟發達史者所不可不讀。此類書籍。今已絕版。皆不可不重加編訂。以期普及。至言西文書籍。則在國中除斯密斯之原富 (Adam Smith: *Wealth of Nations*) 尚有嚴復譯本外。若穆勒 (J. S. Mill) 馬爾塞斯 (Malthus) 馬休爾 (Marshall) 等名家之著作。絕未聞有人翻譯。更遑論透葛 (Turgot) 凱泰朗 (Cantillon) 諸氏之作矣。噫。

吾人苟一調查歐美經濟界之情形。知彼邦學者對此致力之深。決非吾人所能望其肩背。如英之愛休雷氏 (Ashley) 美之霍蘭代氏 (Hollander) 皆曾將昔人名著整理或編纂者。殊足爲吾人法也。

(六)研究中國經濟問題。今日我國之經濟問題。千瘡百孔。紊亂至無以復加。若幣制關稅財政勞資運輸國外貿易等問題。幾無一不亟待解決。候吾人之澈底清理者。特其內容至爲複雜。非詳細研究無由了解。若不能了解。將如何談得到解決方法乎。故我國經濟專家。對於上列各問題當以研究爲先。第二步卽爲實行改革或建設也。

研究我國經濟問題。須先將題目認清。方能下手。愚以爲研究之問題其範圍不宜過廣。若範圍過大。漫無限制。則難有所發明。例如對於我國幣制問題。則宜先研究其內容之一部份。如紙幣發行是。蓋卽此一端。能研究有得。已屬不易也。

又研究當與調查相輔而行。調查事物。則或求諸書本。或實地考察。均無不可。研究有得。不妨撰爲文字。發表於報端雜誌。徵求大衆之討論也。

(七)搜集及編製各項統計。欲研究國中經濟問題。不能不憑藉於各項統計。願在外邦。則有公共機關或經濟專家已爲之整理解析。故研究經濟者。於各種統計。俯拾卽是。毫無困難。且歐美各國之各種統計表。非特準確。且極完全。如物價指數表等等。直可追溯至百餘年以上。可謂洋洋大觀矣。此道在我國雖尙不脫萌芽時代。然亦間有可述者。以愚所知。公立之機關。有盛君俊主持之物價調查處。成立雖尙未久。而公佈表冊。搜集材料等煞費苦心。成績斐然。衆口稱譽。此外學校中如吳淞中國公學。亦有經濟調查部之設。一以搜集及整理統計爲事。亦頗有成績。國中各種經濟出版物。以及各大日報。於各類統計亦皆搜羅靡遺。刊佈不輟。於閱者殊多裨益。誠一種

好現象已。

此種現狀爲八九年前之所無。固不能不認爲一種進步。然卻不可遽以目下狀況爲滿足。蓋今日國人雖已有搜集及編製統計之舉。然尙不免有下列各缺點。(一)不甚準確。搜集所得者。不盡可靠。(二)已整理及編製者。只限於近五六年之材料。苟欲追溯稍早者。即不可得。(三)編製上方法及手續。或有參差及錯誤。欲彌補以上各缺點。則仍賴國中經濟專家之努力。以舉辦此類事業。必須專門家始克勝任愉快。最好先有一種組織團體。方能着手進行也。

(八)灌輸經濟常識。經濟常識爲公民學中極重要之部份。今人於最淺近之經濟常識。多茫然不知。烏足稱爲完善之公民。倘責之以服務社會監督政府等大義。其能實行也否耶。使人而無政治常識。則或以爲今日我國政府仍係君主政體。無地理常識者。方深信天圓地方之謬說。無識愚民。可憫孰甚。然爲人而缺乏經濟常識者。亦猶是耳。例如我國有若干人口。國家何以日貧。生產與消耗影響於社會者奚若。吾人納稅於政府其用途何在。凡此種種問題。雖屬淺近異常。試問國民能應答無訛者。有幾人乎。

灌輸常識。不可無宣傳。或用文字。或由口述。均能收効。特所傳佈者。不必太高深。空談亦須避去。總以切於我國實情爲主。創辦報紙或舉行通俗演講。皆灌輸常識之利器也。

我國經濟學家之責任。決不僅祇此上列數端。所舉八端。特其荦荦大者耳。各事至繁。欲求其成功。亦正非易易。且亦決非一二人所可畢事。旬日之間所能奏効者。須有合作之精神。堅忍之態度。方能有成績之可言。歐美學

術界之所以能如火如荼。一日千里者。正因彼邦人士具此要素。而我國智識階級則缺少也。我國今日內亂頻仍。人事相激。萬事俱不易爲。然此志不容稍懈。不能因之而氣沮也。嗚呼。我國之經濟學家其興諸。愚雖無狀。當濡筆伸紙。以追隨於諸公之後也。

今日我國商人應有之覺悟

錢業月報第七卷第九號

我國自鼎革以來。十有五載。百業凋敝。民不聊生。舉凡國政、教育、工業等等所稱爲國家之命脈者。均屬紊亂不堪。大奪江河日下之勢。獨國中商業則異是。其發達情形。較之二三十年前。頗有進步。雖未可遽抱樂觀。但比較的究屬差強人意。此則吾人當引以爲自慰者也。

舉例以言。遜清之季。我國社會人士。對於商業之重要。猶多忽略。當時國中僅有小規模之個人企業。資本極爲薄弱。時至今日則大規模之商店。已數見不鮮矣。又如銀行一業。十五年前僅有戶部銀行、交通銀行、通商銀行等數家。內容亦甚簡陋。目下則銀行林立。較前倍蓰。其在京滬各大埠者。尤屬指不勝屈。若保險業在歐美固已司空見慣。不足爲奇。顧在二三十年前之中國。則尙付闕如。但近年來營此業者亦漸多。社會上對此亦頗加注意。能了解此種事業之眞價值矣。他如年來商業出版物之盛。國中研究商學者之衆。皆爲不可掩之事實。

至於商人方面。則其進步更屬彰彰可考。往昔之商人。故步自封。墨守成規。其進步至緩。至今日則人材輩出。

情形迥非昔比。然若輩之責任及其地位之重要。則與日俱增。與商業本身之發達俱進焉。愚以爲吾國商人處今日之世。有數端所不可不注意及者。

當知。處今日。商戰劇烈時代。非努力奮勉。認真服務。不足以生存也。

今日世界商業競爭之劇烈。爲有史以來所罕觀。外人之抱侵掠主義者。不費一兵。不折一矢。足以制我之死命。吾人苟非勤加自勉。努力奮鬥者。勢必不能生存。受天演之淘汰矣。吾人苟怠惰其身心。而抱得過且過之念。作事任意敷衍。則對外無以抗強鄰之壓迫。己身不足於國內商界占一卓越之地位。豈非自暴自棄乎。

夫經商非易事也。須能應付各類事實。解決各種問題。盡心竭力以爲之。猶恐不足。安可因循苟且。放棄本人之責任乎。我國商人。大多數雖能勤勉服務。盡力發揮其天賦才能與人力而爲社會盡職。顧亦有昧於事理。敷衍塞責不自振作。專以商界爲噉飯之所者。或則諉諸天命。不求上進。或則徒知羨慕他人之成功。自歎命不猶人。此皆賤視己身過甚。而爲失敗之最大原因也。宜知優勝劣敗。實爲天演不可逃之公例。此今日我國商人所應覺悟者一也。

當知。各種普通智識及專門學問。於商人至爲重要也。

在我國社會其最安誕而又最聳人聽聞者。莫如「經營商業不必有學問。商學不過爲玄談。無裨實用」等語若矣。夫商業事物。日新月異。近代之經濟組織。亦復複雜萬端。變化不測。投身其間。在在須依賴學問。然後方能運用己身之辦事手腕。乃謂不學無術。目不識丁之徒。所可瀾跡其間者乎。